



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Methodus Clara Et Facilis Vacandi Orationi mentali Atque Exercendi se cum fructu in præsentia Dei**

**Coloniæ Agrippinæ, 1687**

Directio ante meditationem

[urn:nbn:de:hbz:466:1-46004](https://nbn-resolving.org/urn:nbn:de:hbz:466:1-46004)

altissimæ ac incomprehensibili loqui Majestati ? Hæc consideratio animum continere debet in magna reverentia & attentione coram Deo.

Tandem illi offerent istam orationem magno cum desiderio faciendi illam purè & unicè ad majorem suã gloriam, atq; ut illius beneficio obtineant sui ipsorum reformationem, omnem aliam intentionem abjicientes, detestantes etiam ex tunc omnes distractiones, quæ illis contra suam voluntatem evenient, atque illum toto animo orantes, ut illis assistat, atque eos sancti Spiritus gratiã dirigat & gubernet. Hæc omnia, hoc vel simili modo facere poterunt.

*Directio ante orationem.*

**O** Deus infinitæ Majestatis, ecce ego miser & infelix peccator, omni contemptu dignus, & qui multò ampliùs mererer à conspectu divinæ Majestatis tuæ in perpetuum arceri, quàm ad tuum alloquium admitti, ad te tamen accedere audeo, tuæq; infinitæ Majestati loqui præsumo. Adoro te, ô Rex Regum, meque in conspectu divinæ Majestatis tuæ, eã, qua mihi possibile est, reverentiã & humilitate proster-no: doleo ex toto corde meo de omnibus meis infidelitatibus & peccatis, & præcipuè tali ac tali, pro quibus jure timeo, ne in præsentia te rejiciat ac repellat. Illa mihi, Clementissime Domine, per infinitam misericordiam tuam te rogo, ignosce: promitto tibi fore ut imposte- rum magis ad me ipsum attendam, & gratias tuas ac secretas inspirationes fidelius observem.

## 40 DE INGRESSU ORATIONIS:

Offero tibi hanc orationem, quam facere desidero ad majorem gloriam tuam atque ad salutem animæ meæ, & coram te protestor, me alium nolle finem, atque ex nunc omnibus distractionibus, quæ mihi evenire poterunt, renuncio; illasque ex animo detestor. Reple memoriam meam cogitationibus sanctis, intellectum meum cœlesti tuo lumine illustra, & voluntatem meam amoris tui igne inflamma, ut hinc recedam totus in alium mutatus atque omnino ad tibi multò amplius, quam hæcenus unquam fecerim, serviendum resolutus. Hanc à te gratiam peto per merita Salvatoris ac Domini mei Jesu Christi, & per intercessionem illius sanctissimæ matris Mariæ.

Poterit hæc directio diversis modis variari, ne, si eodem semper modo fiat, tædium aut fastidium generet. Eapropter illam quis poterit aliquando amplificare, alias restringere secundum varias animi dispositiones

Omnino enim expediens erit, maximè pro incipientibus, ut tempus notabile istis exercitiis præparatoriis impendant, ut illorum præxin promptiorem & faciliorem acquirant; imo non abs te erit, illis solis aliquando potissimam horæ orationi destinatæ partem insumere, usque dum mediocrem saltem illa practicandi habitum quis acquisierit.

*Quando quis animam suam tranquillum non potest, patienter illi coram Deo consistendum est.*

Quod si Fratribus nostris hæc omnia pro voto non succedant, ita ut, posteaquam omnia supradicta monita & consilia exactè secuti fuerint, omnemque diligentiam & conatum adhibuerint, ut se bene ad orationem disponerent, atque animos suos recolligerent, nihil

atta-

attamen aut parùm profecerint, non propterea statim animum despondebunt, aut à cœpto desistent: quin potius hanc suam spirituales inopiam ac desolationem cum plena & perfecta resignatione pati ac tolerare studebunt, certò sperantes fore, ut Deus, visâ hac illorum fidelitate & constantia, omnes istas difficultates amoliat,ur.

## CAPUT V.

*De Meditatione.*

POST præparationem statim sequitur meditatio; & sicut illius finis fuit, ut animus sese recolligeret, atque ad Deo loquendum disponeret, ita istius finis esse debet affectus excitare voluntatis, ut ipsa se resolvat ad ea, quæ intellectus perspexerit, ac de quibus convictus fuerit, executioni mandanda. Ut autem facilius intelligatur, quomodo in ipsa se quis meditatione habere debeat, primò exponemus, quid sit meditari. Secundò quænam ad bene meditandum sint necessariæ conditiones, ac demum quinam in meditatione defectus committi ordinariè soleant.

*Quid sit Meditatio.*

Meditari est rem quampiam attentè considerare. Est penetrare, explicare & animo non minus quieto ac tranquillo, quam attentò & vigilantî minutatim examinare ea omnia, quæ in re quampiam quasi involuta delitescunt, ut inde fructus aliquis spiritualis eliciatur.

*Definitio  
meditationis  
Meditari  
est quasi  
per mediam  
resire.*